

比120.11  
38  
部二二一八

# 續天津縣志

第一冊	序	凡例	銜名
卷首	目錄	圖	
臨幸			
天章			
恩典			
卷一	星土祥異		
卷二	形勝疆域		



續天津縣志序

同治九年予以湖廣總督奉  
命督師剿逆回于陝西至秦數  
月  
天子以天津邊海重地番船往  
來華洋雜處為畿輔守禦之要

害非文武重臣不足以勝任時  
大學士直隸總督曾公移督兩  
江遂

命鴻章來津受代裁三口通商  
大臣歸併總督  
特授為欽差大臣駐節天津統

競焉以招携懷遠尊主庇民為  
要既蒞任逾月邑人吳觀察惠  
元以其所修續天津縣志來質  
且請序予惟天津去京師二百  
餘里實畿南之屏蔽也其地勢  
下在古為九河尾間凡西北大

川咸滙此入海近者海運歲行  
通商事起南北中外商賈輻輳  
故尤號為難治顧其人情風俗  
輕生赴鬪猶有漁陽上谷之遺  
往歲咸豐癸丑秋粵逆北竄至  
城西知縣謝忠愍公子澄親率

津民劉繼德等數千人，大敗之，斬其渠京畿，得無恐其後。捻逆屢犯津民，應募者皆奮起而擊退之。故他郡縣被殘，而天津完善無恙。庚申秋，海疆不靖，時石侍郎贊清守天津，獨抗節不撓。

居民千百人，衛之轉危為安。蓋其民之富者多，好倡為善義行。其貧者就死不悔，得良吏鎮撫之，則皆能親上死長，勇于赴難而不屈。習使然也。其士大夫仕于他省者，亦多忠義才傑之倫。

往者予奉

命團練于鄉時津人金剛愍公  
光筮牧壽州繼守廬州備兵廬  
鳳潁六和泗以善擊賊名忠勇  
武略為江南北之冠今考邑志  
自昔義烈如金公者固多有之

然則津民之知大義能為國効  
力捍災禦患者豈非官斯土者  
及其鄉之賢士大夫有以振作  
于上而致然與邑志始修于乾  
隆四年迨嘉慶間邑士蔣君玉  
虹博采旁搜為續志未成而卒

今吳君復網羅散失以續成之  
體例與凡為志者同而獨于海  
道水利營田及凡義舉之規條  
皆詳載之以為後法誠善本也  
夫民無常行惟上所導率之以  
好利則為暴者多率之以好善

則趨義者眾是則官茲土者與  
其鄉公卿大夫皆與有責也夫  
太子太保協辦大學士兵部尚  
書兼都察院右都御史直隸總  
督一等肅毅伯加騎都尉世職  
合肥李鴻章序



續修天津縣志序  
夫志乘者所以正疆域  
攷山川博稽典章文  
物而垂諸奕禩者也  
建制因革政教興替  
亦於是乎在且潛德幽

光非表不彰步節至  
行非揚曷遠苟無獎  
別觀感奚資諮訪闡  
明書之簡冊乃維持  
風化之大端豈細故  
哉津邑古為上谷

漁陽郡地多渠澗  
沽泊凡西北諸大川於  
茲匯而歸海焉昔人  
稱為九河尾閘蓋北  
方之澤國也迺歲西  
洋通款賈船連檣高

民雲集畿南衝要  
無逾此邦咸豐庚  
申冬余奉

命權鹽政篆兼辦通商  
簡授通商大臣之任壬戌奉  
旨會辦海防兼攝提督印

癸亥權總督募督  
辦直隸軍務凡綏  
疆宇蒐軍實訓士  
卒備海防志屬焉  
任鉅才幹時虞隕  
越戊辰後拜籌兵

濟饒之

命得諸將帥力克克全功  
乃者幸際

聖化時雍滄波恬順中  
外又安得與士大夫  
往還念以志乘爰修

謀重輯之蓋舊本  
修於乾隆四年嗣後  
則編纂闕如也惟時  
閱百有餘年按採  
纂難適有姚游戎懷  
德者手出一編云得自

其戚蔣氏蓋蔣氏之  
先有廩膳生玉如積學  
志也曾著志稿若干  
卷記載頗詳惜寄  
簡殘篇諸多脫漏  
今距蔣生系述時又

五十餘年矣其間  
佚事遺聞迄無粉  
本此後搜訪愈難  
爰商之僮屬篆款  
設局延浙江俞蔭甫  
太史重為編輯卅劍

去歲旋辭去後延前  
雲南觀瞻龔霖宇矣  
君任其事時沈雲  
策方伯引疾家居余  
造謁迷及志事先生  
以為直系時地終不

宜再緩而吳君與先  
生誼屬姻戚相與言  
推叅訂閱而載而書  
成細舉目張百餘年  
文獻足徵良收易之  
編所載海運紀程通

商原如墮建築濠塹  
礮臺械器兩局鑿水  
田鑿環渠諸務亦為  
詳細後之官斯土者  
為其因時制宜振興  
學校俾津邑人文蔚

起斯則余之深望也  
省

同治九年歲次庚午

夏四月

太子少保兵部侍郎通  
商大臣前內閣學士

都察院左副都御  
史署直隸總督完  
顏崇厚序



續天津縣志

凡例

一舊志修於乾隆丙辰今歷一百二十餘年未經續纂嘉慶間有蔣生玉虹博採旁摭著稿凡若干卷茲經訪獲雖殘篇斷簡亦可爲考據之資列其名於編輯庶不負當年留心故實云

一是編體例悉依舊志篇目間有更訂應增者附之無庸增者不再列篇目

一津邑密邇

神京朔查乾隆嘉慶間

續天津縣志

凡例

翠華屢駐

宸翰輝煌爲從前所未有茲謹登

臨幸

天章於紀

恩之前誌幸也

一兵制舊隸海防今仍之至近年海口通商乃我朝招攜懷遠之至計

廟謨宏遠規畫周詳謹將前後奉頒

諭旨並一切章程纂入

一舊志坊表津梁亭館附書城池公署後祠廟寺觀

附書學校後茲於營建仍分類附書

一津邑爲九河尾閘衆水匯歸舊志別派分支窮源竟委援證綦詳茲歷年雖久並無變遷編中於境內河淀沽泊諸水不復冗述惟修築疏濬及新開濠渠有關防患興利者增之

一賦役以現在爲準近年軍興以來不無變更賦役全書有未可盡憑者姑闕以俟補

一津邑地方文武與鹽務大小各官自乾隆初迄今或增或裁年久難稽謹就現在者書之

一選舉按科序錄至  恩歲優各貢與武舉武進士

續天津縣志

凡例

二

無題名可考僅就采訪足據者序錄摭羅未徧不無挂漏

一津邑婦女最嫻節義柏舟自矢不求人知請  旌者不過什百中之一二稍有遺佚秉筆者之罪也茲將采訪所及與凡呈送節略入志館者皆大書之盡闡幽光應俟補輯

一節烈貞孝以  旌表者列姓氏於前至事實仍各按年歲分別詮次非以已未得  旌爲先後也

一歌詠發於性情或其人足稱而佚事無聞詞章亦可覘梗概編中於酬贈各什間登一二存其人故

錄其言非濫收也

一班固藝文志於經史子集止紀其篇目以錄之不勝錄也茲倣其例附增著述於藝文卷後

一各卷內事實有年久難以驟考者未便多稽時日如采訪續到應另編補遺一卷附後

續天津縣志

銜名

鑒定

太子太保協辦大學士直隸總督一等肅毅伯李鴻章  
太子少保頭品頂戴兵部侍郎三口通商大臣崇厚

彙閱

二品頂戴長蘆都轉鹽運使司鹽運使恆慶

二品頂戴天津河間兵備道周家勳

布政使銜天津河間兵備道西林巴圖魯丁壽昌

運使銜天津府知府李文敏

續天津縣志

銜名

一

三品銜天津府知府張光藻

參閱

二品頂戴總理機器局候補三品京堂前奉天府府尹德椿

二品頂戴通政使司副使署理三口通商大臣成林

記名御史刑部郎中署理津海關道陳欽

二品頂戴候補道護理天津河間兵備道博多宏武

二品頂戴候補道署天津府知府任信成

二品頂戴直隸候補道李世侃

二品頂戴候補道天津府河防同知陳重

運使銜候補道天津府海防同知姚經陞